

# Pameran buka peluang IPT teroka bidang baharu TVET

**Langkawi:** Pengajuran LIMA '23 selama lima hari bermula kelmarin, membuka peluang kepada institut pengajian tinggi (IPT) tempatan meneroka bidang baharu Pendidikan Teknikal dan Latihan Vokasional (TVET).

Timbalan Perdana Menteri, Datuk Seri Dr Ahmad Zahid Hamidi, berkata tawaran kursus dalam bidang baharu dijangka mampu meluaskan potensi graduan lepasan TVET untuk memenuhi keperluan tenaga kerja dalam negara.

"LIMA '23 ada beberapa peluang untuk digali bagi pelajar TVET dan saya minta UniKL (Universiti Kuala Lumpur) dan Universiti Poly-Tech Malaysia (UPTM) untuk teroka kursus diperlukan dalam negeri atau luar negeri untuk pelajar TVET kita.

"LIMA '23 adalah platform yang baik untuk TVET kerana terdapat 1,291 (institusi TVET), kerajaan membelanjakan RM6.8 bilion dan saya fikir keberkesanannya kos perlu dibuat untuk menentukan bahanawapelajar ini dapat masuk bidang mengikut kebolehpasaran dan bagi memenuhi guna tenaga penuh di negara kita," katanya.

Beliau berkata demikian selepas menyaksikan majlis menandatangani Surat Niat (LoI) antara Aerostar Technologies (M) Sdn Bhd dan Universiti Kuala Lumpur Malaysian Institute of Aviation Technology (UniKL MIAT) bagi program pembaikkan struktur pesawat di Pusat Pameran Antarabangsa Mahsuri (MIEC), di sini, semalam.

Loi itu ditandatangani Peng-

rah Eksekutif Aerostar Technologies Mejar (B), Afzal Hakimi Shaari dan Presiden UniKL, Datuk Dr Roziah Omar.

## Pelajari bidang baharu

Mengenai kerjasama Aerostar Technologies dan UniKL MIAT, Ahmad Zahid berkata, ia memberi peluang kepada pelajar universiti itu mempelajari perkhemdaman penyelenggaraan, pembaikan dan baik pulih (MRO) pesawat dan jet pejuang di negara ini.

"Pelajar yang mengikuti kursus di MIAT ini 98 daripada mereka bekerja di luar negara dan tiga daripada mereka adalah pelajar lepasan maahad tahfiz yang telah menjadi jurutera dalam bidang penerbangan dan kali ini peluang terbaik adalah kerjasama antara pemain industri de-



Ahmad Zahid menyaksikan pertukaran dokumen antara Afzal Hakimi dengan Dr Roziah di Pusat Pameran Antarabangsa Mahsuri, Langkawi, semalam.

(Foto Aswadi Alias/BH)

ngan UniKL.

"Kita tahu UniKL adalah sebuah universiti TVET...ini merupakan langkah pertama kerana kita tahu bahawa ada pesawat pejuang Tentera Udara Diraja

Malaysia (TUDM) yang harus di-naikkan taraf dan penaiktarafan ini adalah penting untuk pemindahan teknologi dan pemindahan pengetahuan kepada anak tempatan," katanya. BERNAMA